

2 PEDRO

Biek numiim ěsap Pedroou phã deepütarr

Khaíu phãjĩ maimua chijã khũũn atheeta phãjĩ. Chamũjã ĩchab jõi Simón Pedroouta phãjim. Warrcha comenzaabaadẽwe chan jaauba sim khaíg deepãaigta mũg ěsap phãjĩ, mamũ ökhar oomaawai 3:1 gaaita “mũg khurau ya biek numí pam pãrag ěsap phã deepũi chirũm” a sim. Mag sim aawai magan nacha ichdẽu deepütarr khũũnagpaita deeu deepũi sim, ar 1 Pe. 1:1 gaai ichdẽu jaau sim khũũnagma.

Khan jawaag ajĩ. Pedroou ũwaaí amag mũg ěsap phã deepütarran, Ęwandam iek jawaag maestronaan anũmjã sũi parhoob nem jaau nũrrjẽem khũũn dũi khĩir khaphũ naaju aai nũm a jaaupãaig ajim aajem. Makhũũn maestronaan anũm khũũnau amachdẽupain amauta tagam khũũn khãaijã khapcha nũm aajeejim aajem. Amau jaauwai parta agpierraa wẽnũrraju aai nũm ajim anaabá. Cristo bẽeju anũmjã sũukha par bẽebamta nawe mag bẽejujukham aajeejim anũm. Mag sũukha nem jaau nũrrjẽem gaaimua ũu chi ũkha durrarr khũũndam khũũgurpimaugauta am wawijim.

Chamũg carta gaai, Juanau dau thãrjup phãkhatarr khũũn gaai, maimua Judas gaaijã agjõ amach thumaam khũũnau mag Ęwandam iek gaai thawi parhoob nem jaau wẽnũrrarr khũũn dũi chi ũkha durrarr khũũn khĩir khaphũ aju aai narrta

jaau num. Mag jaar mag nurrjēe arr khun nem thannarrjō, Pedroou ich ēsap gaai jaauwai īs ewag pawiajā ich jāgta thannaaju ajim (3:3).

Salud

¹ Mun Simón Pedroou, ich Jesucristooucha ich i jaaumkhīir jar autarr; muata pārag mug ēsap phā deepūi chirum, pāraujā maach ich Jesucristooucha jar autarr khunau ūkha num iekpaita ūkha naawai. Pārau mag ūkha numun, maach Ēwandam anaa maach peerdu aaujem Jesucristo thumaam khun dūi nem agcha aajeewai, iwiir ābam khunagpaita mag ich iek ūkhapim khōsi khaba, thumaam khunagta agdaujō ūkhapim khōsi aajeewaiu. Magua maach ich Jesucristo dūicha wēnerraajerr khun khaibag chugpatarrjō pāar maar khāai ēudeecha ūkhatarr khun khaibagjā ichdēuchata chugpatarr aawai, maach thumaam khun oneg ābata num, ābam iekta ūkha naawai.

² Pāar kōit jēeu chirajem, jāg pāachdēu warag Ēwandam khaug wētum dūi maach Pōr Jesujā khaphucha paaukhamam gaaimua ūu pāar dūrrcha eeg oonaa pāar khōinaa phē wai sīemkhīir.

Dichdēu ūkhatarr iek gaaita warag ubu paaukhamaju aai num

³ Ēwandamaun maachig chadcha ich iek ūkha num khunjō ich atheepai nem ajapha wau wēnerraajuuta khap apim khōsi sim. Magaag atheyan ich iuu aawai maadēu nem igju thum warre khīir khaug sīubarmjōta ajim: Nacha maachig Cristota ajapha khaphu apijim, ar ichdēu

nem ajapham appai waunaa ich ajaugjã oopi n̄mua maach ichig paa autarr ag Cristo.

⁴ Cristo ich mag sim gaaimuata Ëwandamau maachigjã khaph̄u api sim, jãga m̄ug atag paawai maachjã ichjõ n̄isiju; mag ichjõ ajaug paaukhaju kh̄irjugjõ chan tag kh̄irjug ajapham chukhum. Magta maachjã warm kh̄un̄jõ khaibag waum khõchgau warag eeg paaukhamatarrta üu Ëwandamau maach peerdū aujim, magbarmua m̄ug atag paawai ichjõ ajaug paap̄üwi ich d̄üi w̄en̄rramkh̄ir.

⁵ Maguata muan p̄aragan, p̄achd̄eu ükha n̄m iekta warag ogd̄uba th̄araucha ükhanaa Jõoi dau na agchata w̄en̄rrat a chir̄um. Mag i dau na agcha w̄en̄rranaa kh̄irjug paraa aajeet, khani Ëwandamau waupim khõsi s̄i maimua khani waupiba s̄i.

⁶ Mag kh̄irjug paraanaa p̄ach kh̄irjug ee nem khaigbam wauju kh̄irjug b̄ee n̄m waum khõchgau phirir th̄unaawiajã oob maḡum kh̄irjugta warag p̄ach gaai ürpapimiet. Magju kh̄ai maḡum kh̄irjug dich garmuata mag p̄õd̄p̄üikham d̄üi, phithurg auwiajã, s̄i kh̄iuta j̄ump̄p̄üi abat. Mag s̄i kh̄i awatp̄p̄üikham d̄üita Ëwandam dau na nem khaigbam waujujã ökhõnaa i dawagaam nempaita waubat.

⁷ Magnaa dichjõ Ëwandam iek ükha durrum kh̄un̄jã kha khõsinaa bigaaum kh̄un̄jã thumaa daupii abat.

⁸ Cha m̄uchd̄eu p̄arag jaau chir̄umjõ, chadcha mag ajapha nem wau n̄muata warag p̄achd̄eu ükhatarr iek gaai ub̄u paaukhamam̄n, magan

pāar serbiibajã khaba, ni sīi parta maach Pör Jesucristo khaugjierramjã abaju.

⁹ Mam̄ ar mag ükhatarrjã maḡm nem ajapham wauju êkhaba aawai khīirjug bãaubamjõ sim woun chan, sīi dau khīisu wa dausī warppha nem oo n̄m kh̄nau wajap nem wauju khaugba aajemjõta sim, ich pekau ee n̄rraajerrta üu maach Pör Êwandamau ich khaibag chugpaatarrjã khīirjuba.

¹⁰ Cristo gaaimua khodamna, mag Êwandamau pāar ichdēucha j̄r auwi ich dēnka autarr aawaita i dau na mag nem ajapha wau n̄mta khajapham bēnjõ idēu pāach gaai thierrpapibat. Magta nem ajapham appai wau n̄m chan, meperau khuj̄rchēwajã, pārau pāach ud̄m̄r deebaju.

¹¹ Pārau magta am̄n, maach peerd̄m̄ autarr anaa maach Pör Jesucristo aar barimam edjã irua pārag “Pāar üu bēejim” awi, ich mag ich durr ich d̄i ajapha phē wai sīsiju.

¹² Chadcha maach peerd̄majem iek pāachig jaau-tarr pārau ükhawi ag iek gaai ub̄m̄ n̄m awiajã ichiita cha m̄chdēu jaau chir̄m̄ iekhan p̄aba ich jãg pārag jaau wai chitaju, khīir eyaa wai wēn̄rramkhīir.

¹³ Mua khīirjuawai m̄uta üu agtha iiu p̄urba chit̄m̄ aiguin ich jãg pāar wawí iekha chitaju aai chir̄m̄.

¹⁴ Maach Pör Jesucristoou m̄chigcha jaauwai i iek ya m̄ p̄m̄ chitabaju aajem.

¹⁵ Maguata m̄ch meeju nawe mua pārag ajapha khaph̄m̄ apiju êkha chir̄m̄, maagwai ya m̄ mee-baadēwajã mag m̄chdēu pāach wawitarr iekta khīir eyaa wai n̄isimkhīir.

Ich Jesuucha jür autarr khunnau chadam iekta jaau wēnerrarr

16 Ya mua m̄ch khapeen agjō ich Jesuucha jür autarr khunn düimua p̄rag jaaujim, jāga maach Pör Jesucristo jua theeg s̄errú, maimua jāga deeu i bēeju. Jāg marau p̄rag nem jaau n̄m chan s̄i s̄ukha maach kh̄irjug eepaim nem īghaa khabam. Maran maachta maach Pör Jesuu ich d̄i Ēwandam durrs̄i gaai phē arrtarr aawai maraun maach daúacha i jua theeg oowi i ajaugjā maach daúacha ootarr aawaita mag i jaau n̄m.

17 Maar dakh̄ir ajim Ēwandam chi Ayau ich Iewaa kh̄ir ajaugau s̄i būmjō apiwi ich Ēwandam thumaam khunn kh̄ai ūrucha s̄err̄muata i igwi j̄unthumiejō bau wējōm eemua, “Cham̄uta m̄ Iewaa, m̄chdēucha jür autarrau; iita m̄ th̄rau” a iekhatarr.

18 Ich mag ed mag Ēwandamau ich juapá oop-iewai, maachta maach Pör Jesús d̄i mag durrs̄i gaai narr aawai, mag edjā eemua woun iekjō iekhabarmjā maach j̄guchata marau ūrjim.

19 Mag, warrgarwe Ēwandam i jaaumienau bēeju jaaujerr wounta chadcha marau maach daúacha ootarr aawai marau khaph̄ n̄m, chadcha tagam nem amau jaaujerrjā ag ee öb̄erju. Mua khaph̄ chir̄m, p̄raujā agjō amau jaaujerr iek khaph̄ n̄m; mag Ēwandam iek amau jaaujerran īs ewag pawiajā kh̄ichag ee ōtdau paa d̄n̄mjōta sim. Mag ōtdaujō s̄iewai, ag būg oo n̄mjō Ēwandamau kh̄osimjōta wēnerraju aai n̄m, Cristo chi edpherr garm ph̄idag d̄n̄uchē n̄m ora. Mag ich d̄n̄ubaichēm edta, edau āspa

thunaisiewai ag büüg nem oo numjö, maach khĩirjugjã aardubaadeewai warrgar Ĕwandam i jaaujerr khunau phã p̄atarrjã thumaa khaphunaisiju.

²⁰ Magua khap abat: Ĕwandam iek ichdēucha ich i jaaumienag ichdēu nem wauju jaaumamua phāpitarr chan ābmuajã ichdēu khĩirjuawai magjöo abaawai s̄i ich khōchagpierr jaauju khaba sim.

²¹ ¿Jāgwi? Warr phāawaijã ich Ĕwandam Akharau jaaumamta phātarr aawaima. Ĕwandam i jaaumienau būrjã s̄i amach khōchagpierr phām khōchgauta phābajieram. Amaun ich Ĕwandamau amachig khĩirjug deemampierrrta phāmaajeejim.

2

Chad khabam iekta jaaujem khun (Jud 4-13)

¹ Cristo gaaimua khodamnaan, ich jāg warr jöoingarwe ichab maach jöoin phöbör ee Ĕwandam i chaar khabamta jaaujerr khun paraa arrjö, mug atagjã maestronaan anumta p̄ar ee s̄eukha nem jaau nurrjēem khun paraaaju. Mag nurrjēemun s̄i chadam iekjöo nem jaau numuata ōrau amachdēu maach peerduajem iek ūkha nurrjã isegpi numua warag ōor khaibag wau wēnurrāju. Mag s̄eukha wēnurrumua maach thumaam khun peerduju ayaa amkhĩir maach Pör Jesuu ich thōopitarrjã chad khabajim a jaau nurrjēeaju. Mam̄ inaata am jāg wēnurrumun, Ĕwandamau dēgölp am gaai mas ab khaba masaju.

² Amau mag nem jaau wēnurrum ūrwi, chi ūkhaajerr khun khapan am igar wētwi, amau

nem khaigbam wau nampa düi parhooba amachdëu am aig aju. Mag ükha nam anam khunpa mag thunam gaaimua, mug chadam iek maach peerduajem iek igwiata woun ëugarmjö khaigba iekhamamua, “Chadam iek khabam ükha wënarraawaita mag amachdëu ükha nam anamjö khaba nungui” aju bigaaum khunau.

³Jäg pärag jaau wënarram khunan sïi phatkhon atheepai bïe sïsid aawai, mag chad khabam nempa jaau wënarramua päar khügnaraa päar jua eem phatkhonpa aumaju. Mam amach mag wënarram paar am dau aug waupijuun, ya nawe Ëwandamau jaau wai sim aawai ya chadcha am gaai mas aju dakpamam.

⁴Am khāai ich chognaan ügthar ich düi āba naajerr khunjā irua perdonaabajim aajem, pekau ee burrwai. Perdonaaju khāai warag ich aarmua khīmie durr barkhūipūiwi ich mam khīchag eeta cadenau jūkha wai sim anaabá, ichdëu mug durr i agkham ed “Mam ich mag nūisiju” amachigcha jawaag.

⁵Ni warrcha ichdëu mug jëb ompaawai ag gaai ïchab òor paarpapitarr khunjā atcha ich dakhīr pekau pōoma aphōbaadeewai Jōirau perdonaabajim anaabá. Sïi warag dōād pōm bëepiwi, mug durr thūppūiwi, òor amach khaibag ee thunarr khun thumaa ödubpūijim aajem. Āba ochopaita peerduatkhajim anaabá, jōoi Noé ich hui düi maimua ich chaain seis narr khunpai, ich mag jōirauta ich paarmua deeam khunagjā ich dënjö ajapha Ëwandam dau na nem waupi jaaujerr aawai.

6 Ëwandamau ïchab phöbör dau numí narrjã örpüiwi warre khurr mephörr appaita bau joppijim anaabá. Makhunn phöbör Sodoma ajim aajem, Gomorra düi. Ëwandamau am düi magtarran, amach mag khaigba thunarr gaaimua ewag pawiajã ich mag nam khunnan ich agjö khaigba aju thumaam khunnag khap amkhïr ajim.

7 Mamu warm khunn düi magtarrta, jöoi Lodjã ich dau na ajapha khitarr aawai, Ëwandamau i dau aug khaugwi am düi phaapüiba, üu khaigpër aujim aajem, warm khunnau ich daar mag nem khaigbam wau numjä am dënjö aba aajerr aawai.

8 Mag, jöoi Lod düi am ee sierrjã, amjö khaba, sï mag ed ëpierraa amau nem wau thunumjä oonaa am parhooba iekha thunumjä ürwi warag gaai machaagata aajeejim anaabá.

9 Magua, ar ich atheepai nem wau num khunta maach Pör Ëwandamau oowai pekau ee burrjöjöo aadëp aawain, ichdëuta üu khaigpër aaujem. Mamu khaigbam khunnan deeu ich bëem ed mug durr i agkhawi warag am khaibag wawaagta sï phë wai sim.

10 Ar jäg thum amach khöchagpierrta nem waum khösinaa Ëwandam jua theegjä ögkhaba aajem khunn gaaita ürcha Ëwandamau mas ab khaba mas aju. Jäg pärag sëukha nem jaau nam khunnan jüg khïchagnaa khïr nagjä chukhuta sïsidum. Maguata leinaan amach khãai jua theeg sïsidum khunn igwiajã warag am serbiibag phëmaajem.

11 Am khãai Ëwandam chognaan jua theeg ürpainaa iek theeg sïsidum khunnaujä jürr am dënjö leinaan ëugar mag khaigba iekhaba aajem.

12 Maach khapeen jãg iekhaajem khunnan sïi nemchaainjõta thunum, bũurjã khĩirjugã chukhu. Maguata nem inag pöd amachdëu khaugba aawaijã warag parhoobata iekhapũimaajem. Jãgum khunnan amach mag num gaaimua amachdëupaita Ëwandamag amach mod umkha numjõ naawai, sïi nemchaain õtpraanaa kheechjemjõta aju Ëwandamau am dũi,

13 amachdëujã amach khapeendam dau aphuu apiejerrjõ. Amachigan onee num anum, jãg amachdëu khõchagpierr athuucha aawai. Pãar dũi phiesta wauwai thach bipõm khõnaa dõjã dõ num gaaimua khëch thunaisip aawai, pãachta wajap khĩir naau naabahab, õor daar jãg num gaaimua. Pari mag pãar khĩir naau num chan am gaai mas khaba, sïi warag onee num, amachigan pãar dũi nem agchata wau num anumua.

14 Amach mag naawai, uun oowaijã warre ag dũi khãiju khĩirjugta khĩirjuajerram, mag pekau wauba akhimjã aba. Mag naawai Ëwandam iek gaai ubu khaba khithëem khunnagjã amach dënjõta waupiju ëkhaajerram. Mag sïsidumun ichab Ëwandamau nem khõch khabam atheeta wurppa sïerrjëem. Jãgum khunnan ya sïi ich Ëwandamau isegju khunnau.

15 Amach mag thunum gaaimua ya chi okhoomta thunum, Ëwandam aarcha õbëraag nem wauju khaphu narrta sïi amach khõchagpierr wënrãraawai. Warr nawe aajeewai Beor khararr iewaa Balam chi Aai i jaaumieu arrjõ, parhooba nem khaigbam wau num gaaimuapata phatkhon auju ëkhaajerram.

16 Pārau khaphu num, Balamau ich iek ūrba abaawai, Ēwandamau burroogta irig iekhapibaawai, ich nemchaaíupai Balamag woun dēnjö iekhajim, Ēwandam ichaaur nem waum ig sīerr waupimaaugau.

17 Pāar ee mag maestronaan anum khunan, sīi nosege cheegpamjō edjā khī thunarrrta phūu aaisirbapāaiwai chēba sīi ōor khūgurpāaijemjōta sīerrjēem, chadam iekjōo jaau numta sīi sēukha wēnrraawai. Wa magba, jāgum khunan sīi dōsīg chaai jūubaadēmjōta sīsīdam. Mamu amach mag nerrjēem gaaimuata, meewaijā Ēwandamau khīchag ee barkhūipāiwi ich mampaita wēnrrapīju, öbēraajā khaugba.

18 Amau mag nem jaau wēnrrum ūurwain chadcha nem ūrimugma; mamu mag jaau numun sīi parhooba dau lōkōo amach nem wau wēnrrarr jaau numuata ōor khūgur num. Mag numuata amach khaibag puawi eeu ūkhawi agtha Ēwandam iek gaai ubu khaba khithēem khūnjā amachig paa auwi ūwaai ārpūimaajem.

19 Mag numta i wajaugan, “Maar iek ūkhakhiin, tag chikhamnauta pārag nem jajaau aba pāachdēupaita pāach khīrau nem wauju” a jaau sīerrjēem. Mamu mag numun amachjā mag amachdēu nem parhooba amach khōchagpierr nem wau numuata, woun amach khāai ūrpai sim dēnjö phēethug wai numta mag am chan chikhamnaan chognaan khabam aajem. Pari pādē ūrbat: Maata pārau ūrcha waum khōchkhaajem khai, magan maata pāar khāai ūrpai simjō sīewai maguata pāran woun dēnjö

ich chogkha wai sim.

²⁰ Ar maach Pör anaa maach peerduajem Jesu-cristo khaugwi amachdeu nem khaigbam waau-jerrjä isegpäiwi üu ajapha nūsierrta, deeu ūwaai warram khīirjug khaigbam auwia magumugta uduaraa amach ürpapiewain, warr Cristo khaugba aajeewai amach naajerr khāijā warag athu-uchata nūsiejem.

²¹ Jāgum khūnau warrjä mug khudau chaar ich Ēwandam aar mapiejem iek ūrbamuan, ajapcha akham, jāg sīi khūchpai ūkhawi tag ich Ēwandamau jaau simjä wauba parta ūkhaju khāai.

²² Jāgum khūnan, ōrau jaaujem iekhōoin, saakiu ich chugappaita deeu khōbaimamjō nam. Wa magbam khai, khūs ajapha domeerpinaa sīubarm bürre deeu ich khathajemeerjem ee pūurbaba khabaimamjōta sīsidam, Ēwandam iekta isegwi warr amachdeu nem khaigbam waaujerr eeta deeu nūsiewai.

3

Cristoon bëeb khaba bëeju

¹ Keena, Cristo gaaimua mūchdeu pāar khōsi chitaawai mug khurau ya biek numí pam pārag ēsap phā deepäi chirum. Ich mug gaaijä napem gayamjō pāar wawí chirum, nem agchata khīirjumkhīir.

² Pārag khīir eyaa apim khōsi chirumun, warrgarwe Ēwandamau ich i jaaumkhīir jür autarr khūnau jaaujerrta khīir eyaa api chirum. Mag num dūi ĩchab ich maach Pör anaa maach peerduajem Cristooucha jaau pūawi jūr maach

ichdëu jür auwi püitarr khunnaucha päachig jaautarrta agjö khür eyaa apim khösi chirum.

³ Ajapha ürbat cha mua jawaagpam. Müg atag paawai mügta thunuisiju: Ya Êwandamau müg durr i agkhaju gayaa paawai ôrau amachdëu nem waum khöchagpierr parhooba nem khaigbamta waum khöchkhanaa chi ükha durrum khunnjä wau iekhaa neeme sîsid aju.

⁴ Mag chikham wau iekhamamua amau, “Päar iek mag Cristo deeu bëeju ajim anumta, çjãga jãg bëeba khür waaurdubaadëma?” aju. “Bëeba num ee ya maach jöoinjä ödubjim; magumjä barchëbam. Warr Êwandamau müg jëb ompaatarr aigmua thum chigjä aba ich magpai sim” aju, chikham wau iekhamamua.

⁵ Mamü jägum khunnau chan warrgarwe Êwandamau ich iiuta müg jëb edaujã dui ompaatarrjä ükhamapha num. Amaun îsjã agtha warrgarmjöta simpîi num. Amau ükhamapha num, döjã appai purkhoo wëjorr eemuata jusargjä öbeerpi auwi ich ag döoupaita müg jëb gaai nem thunumjä thum üu iuu wai sîepitarr.

⁶ Am iek mag nem thum ich agtha maach dau chaauraajã khaba sim anum, magan Êwandamau döäd pöm päiwi ich ag döoupai müg durr gaai nem thunarr thum khëchpüitarrjä çkhan ajimma? çMagtarr chan büürjã cambieba arrpá?

⁷ Mamü cha maadëu edau oo num dui cha maach bü dunnuu num jëb chan maagwaimjö deeu döädauta wurppäaig khaba, ich maagwajã ich iekhauta magpierrjö ötdaúa jëraagta sîi wai sim Êwandamau, ichdëu müg durr i agkhawi ich dau na

khaigba wēnrraajerr khūn ich mag dau aug wau wēnrraju jaaubarm edta jūrr ōtou deepāaig.

⁸ Mag n̄m dūi pāadē khīir eyaa abat keena. M̄chdēu pāar jāsene chitaawai pārag p̄aba jaau chir̄m: Mag i da bēebam awia oob i n̄aba amiet. Maach Pör Ēwandamagan m̄g khāai āb khēubaadēm̄n, mil aňosjōta sim; maagwai mil aňos jūrr khāai ābpaimjōta sim. Maachigta da bēeba sim, pari ichigan atcha jōphēe sīewaita n̄ sim, ōrag ich iek ūkhamkhīir.

⁹ Khar ōrau jaaujemjō m̄g i da bēeba sim chan mag ichdēu nem magju atarrjā āsie wauba aajeewai khabam. Jāan ichdēu iwiir ābjā okhoopimapha sīewai ich bēe n̄m ora thumaam khūnau āsie amach khaibag isegwi ichig chugpaapi jēumkhīirta jāg da bēeba sim.

¹⁰ Mam̄ jāg sīi awia ich bēem edan dēgōlp ōrau nem jīgkhabaichēmjō dēgōlpta d̄n̄m̄uchēju. Magbaawai edjā ee maach jāphierraa m̄m̄m̄jō athamua warre edaujā chukkhu aadēm dūi edjā ee nem n̄n̄id̄m̄jā thum ōtdaúa būudubwi chugpaju. Magbaadeewai m̄g jēbjā ĩchab ag gaai nem th̄n̄m̄ dūi thumaa juau nem waumatarrpa phaadubwi chukkhu apūiju ich Ēwandamau.

¹¹ Keena, ichdēu ōor i agkham ed m̄g durr gaai magta aju khaph̄ naawai, i dau na ichdēu khōsi simjō i atheepai nem waunaa āba irigpaita ee aju aai n̄m.

¹² Chadcha Ēwandamag pāach awaan bēepim khōsita i bēeju n̄bat. I mag jōpai bēemkhīir, ichdēu khōsimjōta abat, bigaaum khūnagjā i khaugpiju ēkha n̄mua. Mag pierrum edan, edaujāan ag

ee nem thunumjä dui warre ötkhierr pechgau buumaju.

¹³ Chadcha magjup mamu, maach chi ukha num khunagan, Ewandamau edjä iur dui jëbjä chi iurta deēju a siewai, aata nu num. Mag durr iur gaai chan mug durr jöoi gaai aajerrjö khaba, nem thum thunumjä ajaugnaa thumaam khunau nem agchata aajeeju.

¹⁴ Cristo gaaimua khodamnaa, maguata muan päragan Ewandamau mag maachig durr iur deēju a sim ed pa num ora, pekau chukhu wënrājuuta êkhanaa thumaa khõinaa wënrarat a chirum, maagwai dëgölp ich dunubaicheewaijä päach ajapha num oochëmkhîr.

¹⁵ Mag num dui ichab chaig mæhdëu jaau chirarrjö khaphu abat: Jäg maach Pör Ewandam da bëeba simun, ich bëeju nawe ich iek ukhawia üu peerdütksamkhîrta jäg da bëeba sim. Ich mag iek igwi maach khod jöoi Pablooujä ich agjö ya pärag jaaupüijim, ichdëu êsap phä deepütarr gaai. Jäg irua pärag jaaupütarran, ichab ich Ewandamau irig khîirjug deetarrauta pärag jäg phä deepüijim, khap amkhîr.

¹⁶ Irua êsap deepüimarr gaai pogkha nem jaau sîsidum chadcha phithur sîsidum, khani jaau sî a khap aag. Mamu ichdëu êsap phä deepüpükhampierr ya irua pärag jäga wënrāju aai nu a jaauwi sim, mag deeu maach Pör Jesucristo bëeju aawai. Mag irua nem jaau sim pogkha phithur sîsidum aawaita, chadcha meraam khunau maimua mug iek amachdëu ukhatarr gaai ubu khaba num khunau warag

chaurta jaajem, tagam Ëwandam iek phākha sīsidam amachdēu parhoob jaajemjō. Mam̄ amau Ëwandam iekta jāg parhooba jaau nam̄n, wir aig amach khīrauta Ëwandam jua machag j̄r wēn̄r̄r̄m.

¹⁷ Khodamnaan, mag maestronaan an̄m̄ta sēukha nem jaau n̄rrjēe aju kh̄n̄n bēejujā ya mua pārag ag nawe jaautarr aawai pāach eejā magju nawe khīir khaph̄u abat. Jākh̄n̄n ōor khaigbam kh̄n̄n khabahab, amach jāg n̄rrjēem gaaimua. Magba akhiin eeu jāg parhoob nem waunaa parhoob nem jaau jēed̄u s̄errjēem kh̄n̄nau pāach khūgur amachig paa auwia pāachdēu ūkhatarr iek gaai ūu ub̄n̄ narrta deeu ewag wētdukham.

¹⁸ Magju khāai maach Pōr anaa maach peerd̄ajem Jesucristota ajapcha khaph̄u aju ēkha nam̄uata warag pāachdēu ūkhatarr iek gaai khīirjug bāauju ēkhabat. Ichta ich mag chi jua thierrkha s̄ewai m̄g atag pawiajā ich mag irigpaita thumaam kh̄n̄nau ee apim khōsi chir̄m.

M̄gdampai ajim pārag jaaup̄im ig chirarr.

Pedro

**Ēwandam Iek
New Testament in Woun Meu**

copyright © 2011 Wycliffe Bible Translators, Inc.

Language: Woun Meu

Dialect: alternate spelling

Translation by: Wycliffe Bible Translators, Inc.

Woun Meu (alternate orthography)

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Woun Meu

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022

974f85ca-2196-54fa-aa19-a0078d3a03e9